

ՄԾԵ.

Յոյն է Ստաւոաքի օղլուն. սա վաստկելով Մուստաֆա Գ.ի համարումը՝ բարձրացած էր իշխանութեան. բայց իր աղետաւոր գործունէութեամբը չարաչար վերջ մը կ'ունենայ, ինչպէս լաւ կը նկարագրուի մեր հետագայ թուղթին մէջ:

Գերազատիւ և գերայարգ տեսանի տեսանի Ստեփաննոս վարդապետի
և արքայձոր մերոյ ողջոյն խոնարհակամ

... զստաւոաքի օղլուն՝ որ զուլահի և զպուղտանի պէյութիւնսն ի ձեռին ունէր, իբրև գլուխ նոցա կամ իբր երկրորդ թագաւոր ի վերայ նոցա յետ մուստաֆային. որ և ի տէրութեան տաճկաց նորանոր մալիքեանէից գտիչ և հնարիչ էր իբր բարերար թագաւորութեանն. որ շնչին սայլանկողին 30 քէսէ միրիի տալ կարգեաց, և զուլահի և զպուղտանի կողմանց ոչխարսն անձին սեփականեաց գնել և վաճառել յանհնարին ֆիաս և յողբումն հովուաց, որ ի պատճառս կարգադրութեան իւրոյ ի նոյն կողմանս թէ այսչափ միայն լինիցին վաճառականք և ոչ աւելի՝ ետ սպանանել աւելի քան զյիսուն եէնիչէրիս. որ և զցորեանս նոյն կողմանցն ինքն գնէր և վաճառէր յանհնարին կատաղութիւն նաւավարաց. որ խորհէր ևս տալ սահմանել յաւուրս յայտոսիկ զնոր թուղթ հարկի՝ անուանեալ չէլէպի խարածի, ութն ոսկնոց. որ զինքն և զամենայն ինչս իւր նուիրեալ էր թագաւորին, թէ քո եմ ես և ամենայն ինչ զոր ունիմ, զայն ստաւոաքի օղլուն կալեալ խեղդեցին և կախեցին առաջի տան իւրոյ որ ի յառնաւուտ գեղն. և յետ կողպտելոյ զպալատին տունն, և զայս տուն յորոյ առաջի կախեցաւ, ի հիմանց քանդեալ կործանեցին զայս զառնաւուտ գեղի տունս, և զմարմին նորա ընկեցին ի ծով, թէպէտ և բազումս աշխատեցաւ կին նորա առնուլ զմարմին նորա. իսկ ի կողմանէ ընչից, ի տանց նորա հանին եօթն հազար քէսէ ըստակ. իսկ պատուական և դժուարագիւտ քարանց և ազգի ազգի ընչից և զարդուց չիք չափ որպէս պատմեն գրեթէ որպէս զեաղուպն. և ֆիասն որոյ վասն կախեցաւ՝ գրեալ և եղեալ ի վերայ կրծոց նորա այս էր՝ թէ ֆիասապարտ է թագաւորութեանս, գրկիչ և կեղեքիչ մեծի և փոքու որ ի կողմանս ուհլահի և պուղտանի: Ի քննել և ի յուզել զինչս ստաւոաքի օղլուին զտանեն առ նմա զթէզպէհ մի, զոր ոմանք ասեն կազմեալ յականց պատուականաց 700 քէսէնոց, և այլք ի մարգարտէ. զոր ի ճանաչելն ոմանց թէ այս է թէզպէհն սիւլէյմանին, քննեալ հարցանեն ցտաւոաքին թէ ուստի եկն այս ի ձեռս քո, և նա ասէ ի մառնի մուսայէն... յայնժամ կալեալ զմուսայն, և ստիպեալ ասել զճշմարիտն, պատասխանէ թէ առի ի ճէվահիրճի ալէքսանէն. յայնժամ ապա կալեալ գիշերայն և զճէվահիրճի ալէքսանն քննեն ի վերայ բանիս, իսկ նա պատասխանէ թէ յիրաւի այնպիսի ակունք կամ մարգարիտք մի մի եկեալ են ի ձեռս իմ և վաճառեալ եմ, բայց ոչ երբէք եկն ի ձեռս իմ այնպիսի թէզպէհ կազմեալ, վասն որոյ և չէ իմ բնաւ վաճառել զայնպիսի ինչ. և մինչև ցայժմ երկոթին սոքա են ի կալանս. այլք ասեն թէ ոչ վասն այսր բանի, այլ վասն ունելոյ ընդ ստաւոաքիին առնտուրս են սոքա ի կալանս...: Գարձեալ յաւուրս յայտոսիկ ըմբռնեալ զպատանի մի զեղեցիկ չորեքտասանամեայ, յոյն ազգաւ որդի արայիճիի, և սուտ վկայելով բազմութեան տաճկաց թէ բանս եդ առաջի մեր դառնալ ի տաճկութիւն, և ի չկարելն յաղթել նմա հատանեն զգլուխ նորա ի սեպ. 13...:

1765 սեպ. 20
[Կ. Պոլիս]

Նուստ ծառայ
Հ. Մեսրոպ վարդապետ Մխիթարեան